



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022

Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia



MAJLIS MENANDATANGANI MEMORANDUM PERJANJIAN (MOA) ANTARA UNIVERISITI TEKNOLOGI MARA (UiTM) DENGAN UNIVERSITAS GADJAH MADA (UGM) INDONESIA BAGI MEMPERKUKUH KERJASAMA AKADEMIK DAN PENYELIDIKAN

Oleh:
Eliy Nazira Mat Nazir
Prof. Madya Ts. Dr. Shukor Sanim Mohd Fauzi

SHAH ALAM, 1 JULAI 2022 - UiTM telah menandatangani satu Memorandum Perjanjian (MoA) dengan Universitas Gajah Mada (UGM), Indonesia bagi memperkukuh dan mempromosikan kerjasama dalam bidang akademik dan penyelidikan di sini hari ini.

UiTM diwakili oleh Rektor UiTM Cawangan Perlis, Prof. Madya Ts. Dr Shukor Sanim Mohd Fauzi mewakili Naib Canselor UiTM dan Timbalan Rektor Penyelidikan, Jaringan Industri, Masyarakat dan Alumni, UiTM Cawangan Perlis, Ts. Gs. Dr Ernieza Suhana Mokhtar, manakala UGM diwakili oleh Dr. Fajar Adi Kusumo, Timbalan Dekan, Alumni, Kerjasama dan Inovasi, wakil Rektor UGM dan Dr. Danang Teguh Qoyyimi, Ketua Unit Sokongan Perkongsian, Penyelidikan dan Pembangunan Masyarakat, Fakulti Matematik dan Sains Alam.

MoA yang dicadangkan oleh YBhg Rektor UiTM Cawangan Perlis ini dilihat berupaya meningkatkan kerjasama antara UiTM dan UGM, dimana ianya dapat menyediakan platform untuk perkongsian pengalaman, rangkaian, teknologi dan sumber masing-masing yang melibatkan bidang akademik dan penyelidikan antara kedua-dua institusi.

Perjanjian ini juga merangkumi komitmen bagi pertukaran kakitangan antara kedua-dua institusi rakan kongsi. Selain itu, MoA tersebut turut memberi penekanan kepada kerjasama dalam bidang pengajaran, program mobiliti, persidangan antarabangsa, penganjuran program dan banyak lagi.

